

Werle / Werla.

In Westphalen/ Stättlein/ vnd vestes Schloß/ dem Erbstift Eölln gehörig/ allda der eine Officialis Judex Archiepiscopalis Colonienfis, so Arnsbergensis genannt wird/ residieret. Wird zur Graffschafft Arensberg gerechnet. Ligt zwischen den Wassern Lippe/ vnd der Ruhr/ jedoch näher bey der Ruhr. Von diesem Ort/ dahin sich Keyser Heinrich der Erste/ bey der Hunnen Einfall/ wegen mehrer Sicherheit/ begeben/ ist insonderheit Johan. Angelius à Werdenhagen de Rebuspubl. Hanseat. part. 3. cap. 5. p. 224. zu lesen.

Anno 1586. hat Martinus Schenck das besagte veste Schloß/ vergebens belägert/ wiewol er das Stättlein erobert hat: Aber Anno 1633. den 17. Octobris/ hat Landgraff Wilhelm auß Hessen/ erstlich das Stättlein/ vnd darauff den 1. Novembris auch das Schloß/ mit Accord/ erobert. In dem Anno 1644. wider zu Amsterdam außgegangenem Atlante stehet: Daß Werla seye des Herzogthums Westphalen Hauptstatt: Lige auff einem fetten/ vnd fruchtbaren Boden/ habe viel Salzpfsannen/ vnd ein schönes Rauthaus. Das besagte Herzogthumb Westphalen/ habe gegen Auffgang/ die Graffschafft Waldeck/ von Mittag/ das Hessische Gebürge; gegen Nidergang das Märckische Land/ von Mitternacht/ die Bischthümer Münster/ vnd Pa-

derborn. Diß Herzogthumb begreiffe heutiges Tags die Graffschafft Arensberg/ vnd das vbrige Theil von dem Herzogthumb Angern/ dessen Gränzen schwerlich zubeschreiben seyen; sintemal von demselbigen nichts mehr/ dann das einzige Dorff Engern in der Graffschafft Ravensberg vbrig/ ic. Vnd dann/ so wird wider von den Nachbarn dieses Lands daselbsten/ gesagt: Daß selbige seyen/ die Marck/ Münster/ Lippe/ Paderborn/ Waldeck/ Hessen/ vnd die Graffen vom Westerwald. Oberwehnte Graffschafft Arensberg habe/ außer der Hauptstatt/ noch etliche andere Stättlein/ als Hohenstatt an der Lippe/ Geseke/ Ervete/ Aenruchte/ Wolheim an dem Mon/ Niehuß an gedachtem Fluß/ Reim/ Hüllinckhoven/ Dlinckhusen/ Herstberg/ Britlon/ Meschede an der Ruhr/ Sunderen/ Oldendolp/ Fredeborg/ Medebach/ ic. Ober diß befinden sich etliche fürnehme Ort/ als Wedinckhusen/ vnd andere/ so alte Gebäwe/ vnd des Witikin di Schlößer/ vnd Wohnungen/ gewesen/ ic. Gegen Nidergang/ beydem Stättlein Balve/ sey ein grosse Höhle/ dessen Außgang/ oder Ende/ man nicht wisse. Siehe unten

im Anhang/ Britlon.

**

Wesel/ Vefalia Inferior.

Wese im Herzogthumb Cleve/ an der Lippe/ so darbey in den Rhein fällt/ gelegene Statt/ wird zum Vndercheid des Oben. Wesel/ so dem Erbstift Erter gehörig/ Vnter. oder Nider. Wesel genannt. Ligt Vnter Berck/ oder Rheinbergen/ bey Burick vber; vnd ist ein schöne/ veste Statt/ auch vor den nächsten Kriegen gar Voleckreich gewesen/ da man ziemlichen Handel getrieben. In der Reichs. Matricul ist sie Monatlich auff fünfß zu Ross/ vnd fünfßzig zu Fuß/ angelegt. Ist aber von den Herzogen zu Gölch/ Cleve/ vnd Bergen sine onere eximirt worden; vnd beruhete Anno 1602. die Sach noch in Camera. In des Westphälischen Graiß. Verzeichnuß wird sie noch vnter die Reichs. Stätte gesetzt: Vnd ist eine Hanssee Statt: Sehen auch die Appellationes von dannen nach Spener/ wiewol/ was jetzt/ da sie Holländisch ist/ geschicht/ wir so eygentlich nicht wissen können. Graff Eberhard von Cleve/ vnd Teisterband/ hat das Stiff allhie/ Anno 1125. angerichtet.

Keyser Rudolph der Erste/ solle dem 24. Graffen von Cleve/ dem Theodorico VIII. welcher ihme/

dem Keyser/ trewen Beystand wider seine Feinde gethan/ die Statt Wesel (aber/ sonders zweiffels mit gewissem Vorbehalt) geben haben. Es seyn auß dieser Statt kommen/ Arnoldus Wesaliensis, ein gelehrter Mann/ vnd Tilemannus Heshusius, ein fürnehmer Theologus, so zu Helmstatt begraben ligt. Es seyn da S. Willibrods/ vnd S. Antonii Kirchen/ zusehen. So hat es allhie ein sonderliches Haus/ darinn alte erlebte Leut versorget werden. Bey den Niderländischen Kriegen haben sich Anfangs gar viel auß Holland/ Seeland/ Artois/ Flandern/ Braband/ hieher begeben/ daher die Statt an Kauffmannschafft/ Macht/ vnd Reichthumb zugenommen; allda es allerhand Religionen geben; biß Franciscus Mendoza, der Groß Admiral von Arragonien/ Anno 1598. ein grosse Summa Gelds von der Statt erzwungen/ vnd den Racht dahin gebracht hat/ daß er das folgende Jahr den Römisch. Catholischen alle Kirchen hat eingeben müssen. Vnd hat diese Statt auch vorhero von den streyffenden Parthenen allerley Vngemach erlitten. Man sagt: Daß sie damaln/ nämlich/ in Anno 1598. dem gedachten Admtranten/ hundert vnd fünfßzig

J ij tau